

<County: Cheshire>

<Code: L1323a>

<MS reference: Keele University Library, Wistaston deeds, Sneyd accumulation>

<Text: Will>

This endenture beres wyttene that hyt ys my full wyll ther as J Thomas Chanu have eneffet Jenkyn of Roop John@ John@ sone of weten hale of the wiche Mabank Raulyn kerdyff and John@ hykkocsone in thre meses wyth the londes lyande to <symbol> in wystanston@ of the wheche one ys calde the westelee And A-nother ys calde Stanyfort . And the thryd mese wythe A Crofte and one oxyong of londe lyne in the Tounefyldes in wystanston@ . And also ther as J the saide Thomas have eneffet the saides Jenkyn John@ Raulyn and John@ in one mese wyth all the londes lyande to <symbol> the wheche ys calde Oteedyshe in walgherton@ also wyth all yose londes and tenementes the wheche hamlyn Chanu my grauntesire sumtyme hade in wyghtreston@ of the gyfte and the feffement of Roger of blakhurste to have and to holde all the foresaide meses londes and tenementes wythe Byledynges and all other *purtynaunce* to the foresaides Jenkyn John@ Raulyn and John@ hor heires and hor assignes for *euere*-more as in A dede to the foresaides Jenkyn John@ Raulyn and John@ therof made more playnly ys made menshene that the saides Jenkyn John@ Raulyn and John@ shune eneffe Agnes my wyfe to terme of her lyve in all the foresaide meses londes and tenementes wyth Byledynges and all other *purtynaunce* opon condysshene that the saide agnes shall pay my dettes And gouerne my chylde be the avyse and the dyscresshene of the foresaydes Jenkyn John@ Raulyn and John@ And ouer that J woll that the saide Jenkyn John@ Raulyn and John@ after the dissesse of the saide Agnes my wyfe eneffen John@ my sone in All the foresaide meses londes and tenementes as hyt yt above-saide to have and to holde to the saide John@ my sone and to the heires of his body lafefully begeten and for faute of yssu of the saide John@ my sone to myn heires male of my body lafefully begeten And for faute of yssu male of my body lafefully begeten choyntely to my doghtres And for faute of yssu of my doghtres lafefully begeten J wolle that all yose londes and tenementes the wheche hamlyn Chanu my grauntesire sumtyme hade in wyghtreston@ of the gyfte and the feffement of Roger of Blakhurste



remayne to the saide Jenkyn of Roop and to his heires for euer-more . And that the beforesaide Mese  
wyth all the londes lyande to that  
ys calde Oteedysshe in walgherton@ remayne to the saide John@ John@ sone of wetenhale and to  
his heires for euer-more And that the foresaide  
thre meses wyth the londes lyande to <symbol> in wystanston@ of the wheche one ys calde the  
westelee and A-nother ys calde stanyfort And  
the thryd mese wyth A crofte And one oxyong of londe lying in the Tounefyldes in wystanston@  
remayne to Jenkyn of Moole and  
to his heires for <ill><1 word></ill> more . Jn wyttenes of wheche wille J the saide Thomas Chanu  
have sette to my seal wryten at wyghtreston@  
the Monenday next before the Natiuitee of seint John@ the Baptiste the yere of kyng harry the syxte  
after the conqueste the sixte